


BPMP SANA-SINI

Edisi Februari | 2021

Oleh : Cawangan Kajian & Pengurusan Informasi BPMP



Ceramah CRM Program CeIO Siri 3 Bil.1/2021

Ceramah Pengurusan Risiko Rasuah (CRM) kepada 65 orang peserta Program Pegawai Integriti Bertauliah Siri 3 Bil 1/2021 (Syarikat Berkaitan Kerajaan - GLC) telah diadakan bermula 24 hingga 25 Februari 2021. Ceramah telah disampaikan oleh PKPj Zakiah Hassan dan dibantu empat orang fasilitator iaitu P/PPKj Farah Najwa Abdul Aziz, PsK Ku Syazwani Ku Azmi, P/PS Syed Nasrun Syed Mohamad Nordin dan PKPs Norhaida Ismail. Bengkel ini dilaksanakan menggunakan *Go Training Learning Management System* iaitu pembelajaran secara atas talian.




Sesi Pra-Khidmat Nasihat Berhubung Proses Perolehan Darurat Kepada KKM & MOF

Sesi Pra-Khidmat Nasihat berhubung proses perolehan darurat di bawah Pekeliling Perbendaharaan (PB) 3.3 – Garis Panduan Perbelanjaan Darurat (AP 55) dan perolehan darurat (AP 173.2) bagi pembekalan topeng muka jenis N95-3M serta mesin ventilator oleh Kementerian Kesihatan Malaysia (KKM) telah diadakan pada 24 Februari 2021 secara dalam talian. Sesi yang dipengerusikan oleh PKPj Zuridah Mamat dan dibentangkan oleh PKPj Wan Mohamad Wan Drahman ini telah disertai oleh pegawai-pegawai kanan KKM dan Kementerian Kewangan Malaysia (MOF).



Pemeriksaan Berhubung Proses Perolehan Secara Sebut Harga di Penjara Kluang

Sesi pemeriksaan berhubung proses perolehan secara sebut harga di Penjara Kluang telah diadakan di Ibu Pejabat Penjara Malaysia pada 24 Februari 2021. Pemeriksaan ini diadakan bagi mengenalpasti isu dan kelemahan berkaitan proses pemilihan sebut harga di kalangan pemilik syarikat yang sama. Sesi dihadiri oleh Pengarah Penjara Kluang Hj Wan Ramzan Wan Ahmad, Pengarah Pembinaan Profesionalisme Penjara Hj Ariffin Mohd Noor manakala BPMP SPRM diketuai oleh PPj Hj. Celemans Kasim, PsK Hamzah Abdullah dan KPKPs Norrita Yaakob.



Mesyuarat KC/KU BPMP & UPMP SPRM Negeri Siri 9 Bil.1 Tahun 2021

Mesyuarat Ketua Cawangan (KC) dan Ketua Unit (KU) Bahagian Pemeriksaan dan Perundingan (BPMP) serta Unit Pemeriksaan dan Perundingan (UPMP) SPRM Negeri Siri 9 Bil.1 Tahun 2021 telah diadakan secara maya pada 11 Februari 2021. Mesyuarat yang dipengerusikan oleh Pengarah BPMP KPKPj Nazli Rasyid Hj. Sulong telah dihadiri oleh para Timbalan Pengarah, KC, KU BPMP serta Ketua UPMP SPRM Negeri-Negeri.

≠ Eksklusif

Corat Coret INTEGRITI

Artikel bertajuk “Bukan tangkap, sita semata-mata...” yang merupakan penulisan ‘*success story*’ kedua bagi tahun 2021 oleh Cawangan Kajian dan Pengurusan Informasi (CKPI) telah diterbitkan oleh akhbar Utusan Malaysia keluaran 10 Februari 2021. Usahasama antara Utusan Malaysia dan SPRM dalam membuat hebahan kepada masyarakat bagi kes-kes pemeriksaan dan khidmat nasihat yang mendatangkan impak positif akan diteruskan lagi. CKPI turut menterjemahkan artikel ini ke Bahasa Inggeris dan versi *English* ini dimuatnaik ke Portal SPRM ruang *‘Columnist@MACC’*.

PEMIKIRAN BAHARU
Utusan Malaysia

Utusan Malaysia | 10 Februari 2021 | Page: 14

Bukan tangkap, sita semata-mata...

NAZLI RASYID SULONG

SPRM akan terus membantu mana-mana golongan, syarikat, jabatan mahupun agensi dalam memberikan penambahbaikan supaya perakuan rasuah mampu dihentikan.

SPRM akan terus membantu mana-mana golongan, syarikat, jabatan mahupun agensi dalam memberikan penambahbaikan supaya perakuan rasuah mampu dihentikan.

SPRM akan terus membantu mana-mana golongan, syarikat, jabatan mahupun agensi dalam memberikan penambahbaikan supaya perakuan rasuah mampu dihentikan.